

اُستَیْنَا

نومرو ۱۱

بُخْشِیْہ

۲۰ تشرین ثانی ۱۳۲۴

اجال خارجی

قونفرانسه طوغری دها بر خطوه ، همده قطعی بر خطوه آئیله جفته انتظار ایدلمکده ایکن بو هفته ظرفنده ساحه سیاستده نمایان اولان احوال و حادثات بو خطومکدک یکنج یوریشی کچی کری کری اتملسنه بادی اولدی .

موتمر دولینک انعقاد ایدمه مامسنه و هر حالده بوسنه و هر سکک کیفیت الحاقه بر امرواق نظریله باقیلوب موقع تذکره وضع ایدلمامسنه وسائط ممکنه ایله چالشمقده اولان اوستریا و مجارستان حکومتی بو دفعه ده دولت علیه ایله طوغریدن طوغری به بر ائتلاف حصولی امکان خارجنده بر اقه جق بر وضع غریب اخذ ایتدی ؛ بویوقتک ، اوستریا و مجارستان دارالصناعه لرنده کی ولوله فعالیتی مبدل صمت و سکون ایدن بو حرب اقتصادینک کویا حکومت عثمانیه جه مرتب بولندی ادا عانی ایرو سوره دک مقاطعه نک اوکی الخدیجه اوستریانک دولت علیه ایله مذاکره اتمسی وقع حیثیتسه منافی اوله جفتی اوستریا سفیری باب عالی به رسماً بیان ایتدی ، حتی منع مقاطعه وادیسنده تدابیر لازمه اتخاذ اولغدینی تقدیرده سفیرک ناذوناً عزیمت ایلمه جکی ده مقام تأکید و تهدیده علاوه ایدلدی . مقاطعه نک اوستریا و مجارستان حکومتی طرفدن حقوق حکمرانی عثمانیه قارشو ارتکاب اولنان حرکات مجاوزکارانه و عهد شکنانه به مقابله عثمانی افکار عمومیه سنجه بحق متحصل بر غلیان و انفعال اثری اولدینی ، و حکومتک اهالی بی اوستریا امتعه سنه رغبت کو سترمکه سوق و اجبار ایدمه جکی اوستریا جه ده رعنا معلوم ایکن باب عالیدن حوصله اقتداری خارجنده بر تدبیر اتخاذینی طلب اتمسی شه سز حسن نیتنه دلالت ایده جک بر حرکت دکلدیر . بئتون اوروپا افکار عمومیه سی الک جدی غزیه لر صحافنده بو حرکتی تنقید و تقییح ایتدی . اوستریا مطبوعاتی ایسه اوستریا حکومتک اطوار نامردانه سیله متناسب بر لسان ریاکارانه قوللانه رق اوستریانک ترک دوستلغندن ، ترکیانک اوستریا مطالبینی ترویج ایتدیکی تقدیرده تأمین ایلمه جکی فوائد عیده دن ، و ازان جمله اوستریانک عهد عتیقه ایله مصرح بعض حقوقدن فراغت برله بر معاهده تجاریه عقدینه ، اوستریا

پوسته لاینک لغوینہ رضادادہ اولہ جفندن، قوتفرانسدہ بزہ یاردم ایدہ بیله جکندن
بحثہ قویولدی؛ و نہایت الامر اوستریانک بالقان شبہ جزیرہ سندہ کی احوال
اقتصادیہ سنہ عارض اولان موافقی، و بو موافقک رفعنہ چارہ ساز اولہ بیله جک
تدابیری تذکر اتمک اوزرہ صورت مخصوصہ انعقاد ایدن مجلس نظارک
مذاکرانی حقنہ معلومات ویرلدیکی صرمدہ اوستریانک سفائن تجاریہ سنہ
سفائن حربیہ ترفیق ایداسی احتمالی گاہ نیازمندانہ و گاہ تهدیدکارانہ بر لسان
ایله اورتہ یہ آلدی.

اوستریا سفیرینک باب عالیہ بویله بر اسان تهدید آمیز قولانوب قولانمدیغنه
واقف دکلہ کده سفیرک بالکزر مأذوناً عزیمتندن بحث اتمکله اکتفا اتمش
اولہ جنی شہدن بریدر. هر حالہ حسیات ملیہ نک، غلیان افکارک تأثیراتی
پک چوق دفعہلر کندی نفسندہ حس اتمش اولان اوستریانک اجراسی غیر
قابل بر تصور ایله مقصودینہ بر راه وصول بولمغه چالشمسی بیوک بر بحر کسز لکدر.
باب عالی خلقک غلیان افکارندن منبعث بر حرکتی رفع ایدہ میہ جکئی بیان
و مع مافیہ کمرکارجه وقوعی ادعا قلنان معاملاتک منع تکرری ضمنندہ تدابیر
لازمہ اتخاذ ایدہ جکی افادہ سیله پیدای اشلافہ اظهار میلان ایندی؛ انکلتره
حکومتی ایسہ اوستریا مطبوعاتندہ موضوع بحث اولان نمایش بحری تصویرینک
اجرا آنسہ کیریشلدیکی تقدیرده بو اجرا آنک اوکئی آله جق بر نمایشدن کرو
طور میہ جفی اعلان ایدہ رک تورکار حقنہ کی مائر مخادنی فعلاً اظهار آمادہ
بولند یغنه شبہ بر اقدی. اوستریا سیاستی شو و جہلہ بر ہزیمتہ اوغراقدن
بشقہ ویاہ دارالفنوننہ مداوم ایتالیان طلبہ سنک اوغراذینی تحقیرات سوقیلہ
ایتالیا افکار عمومیہ سنہ کندی عیلہنہ تحریک ایندی. ایتالیانک اتفاق مثک
ایله و علی الخصوص اوستریا ایله وجود روابطی پک ضعیف دوشورن (ایرہ دانتیسیم)
حسیاتی ایتالیانک هر طرفندہ شدتہ فوران ایندی.

حکومتک خارجی پولیقہ سی ایتالیانک اکثر بلاد جسیمہ سندہ شدیداً مؤاخذہ
اولندقدن بشقہ اورادہ دہ اوستریا امتعہ سی مقاطعہ ایدہ کیک باشلاندى بو مقاطعہ نک

تا هندستانه قدر توسیع دائره ایلدیکنی ، صربستانده بویوقت اعلان ایدلماش اولغله برابر منافلاتک دوجار سکنه اولمسی سوقیله اوستریا امتعه بی رواجک خیلیدن خیلی کسلدیکنی ، بلغارستان دخی فرانسه سرمایه داراننک توجه و خوشنودینه محتاج بولمقدن ناشی حکومت عایدسپارشلری فرانسیه ویردیکنی ده علاوه ایدرسک اوستریا و مجارستان احوال اقتصادی سنک اوغرادینی صدماتک دائره وسعتنی تعین ایتش اولورز . اوستریا سیاستنک هزیمتی ده یالکز دولت علیه حقنده کی طور و حرکتک منجر اولدینی عقامله قلیوب بروجه مشروح ایٹالیا منفقیده روسیه ایله عقد اتفاق ایتدیکنی شایعه لرینه بول آچاقی درجهرده انفعاله دوشوردکن بشقه روسیه ایله دخی آردسی شکررنک اولمشدر .

الحاصل اوستریا حکومتی الیوم اقتصاداً و سیاسیاً بر موقع مشکله بولونیور . حکومت مشارالها بو موقعدن قورتلوق ایچون شمیلک درسمعات سفیرینه دها استلافیورانه تعلیمات ویردی . روسیه حکومتک قونفرانسه لزوم کوسترمک امرنده کی اصراری دخی شبهه سز انکلتزه و فرانسه ایله بو بایده موجود استلافه مستند بولنه جفندن البت تاثیرنی اجرا ایله جک و اوستریا حکومتی ناچار او طرفه ده روی مماشات کوسترمکده مضطر قاله جقدر .

خصوصاً که روسلر کیفیت الحاقک کویا کندی توصیه لری اوزرینه واقع اولمش اولدینی حقندن کی اوستریا اسناد آتشدن خیلی منفعل اوله رق ، بونلرک بطلاتی کوسترمک لزوم حس ایتشلردر . صربستان و قره طاغ حقلرنده کی اسلاو دوستلنی ایسه بشقه جه بر سائق مخالفندر او درجده کی صربستانک ملی بانقہ سی خزینه سی نیشه نقل ایتسی ، و روسیه نک قونفرانسی خصوصنده اصرار ایلدیکنی یولنده جواب ویرمسی اوزرینه ویانه و پشته بورسلرنده بر تلاش عظیم حاصل اولدی . فوندولر دوشدی . اوستریا غزقلری روسیه حکومتک شو آردلق بر میاری متجاوز بر استقراض عقدینی اطمشان بخش بر اماره کی کوستره رک تسکین هیجانه شتاب ایتدیلرسده بو نشریات هنوز تمامیه تاثیر ایتدی . اوستریا و مجارستان افکار عمومیه هنوز بر کابوس هراس

الئنده بولنیور . . . المانیا ایسه غوائل داخلیه سی ایله مشغول. المانلر مشروطیت اداره نك لایقیه تأسیسی مصرأ طلب ایدیور ، و قانون اساسینك تعدیلی تسکلیفك بالجله فرق سیاسیه جه درمیان اولغسی حقنده کی شرائطی ردایدیورلر. فرانسه به کنجه حکومت مشارالها دخی عثمانلیر حقنده پرورده ایلیکی حسیات مخاندنکارانه بی بودفعه مجلس مبعوثاننده میدان علانیه ایصال ایتدی . روسیه حکومتك اوستریا ایله اجرا ایلیکی مذاکرات و مخبارات صره سنده کی تبلیغاتندن قطع نظر ایوم عثمانلیرله پیداو وفاقی ایتك زمانی اولدیفنی اك معتبر غزیرله ایله اظهار ایتدیکی و نهایت بلغارستان ایله ائتلاف حصولی قوه قریبه به کلدیکی ده علاوه تأمل ایدرسك اوروپایی طولاشان حرب شایعه لرینه رغماً آتی به کمال حضور ایله نصب نكاه ایده بیله جکزه دائر اولجه حاصل ایتدیكمز فکرده نبات ایتکده حقلی کوریلورز صانیرم .

§ ایران وقوعاننده هر هفته برتحول ناکهانی حاصل اولوب طور یور . شاه ایران بر آرهلق مجلس مبعوثانك کشادینه میل و رضا کوستریور ، صکره وکلای ملتك رایله بوبابده کی وعدندن نکول ایدیور . بواحوالك احرار ایران آردسند، حاصل ایتدیکی انفعال و غلیانك وخامتنی ادراك ، ویرانده حضور و سکونك اعاده سی آرزو ایلین روسیه وانکلتره حکومتلری کرچه شاهه مشروطیت اداره نك لزوم تأسیسی تکرار ایتدیلسنده مشارالیه بواخطارات خیر خواهانه بی پك غریب بر صورتده اصفا ایدیور . شمعی ده صدر اعظم ایله صدر اعظمك انتخابکرده سی بعض ذواتدن مرکب بر مجلس ملت تشکیله تشبث اولغش ایش . عطش حریتك بویله صورت تدبیرلره تسکین ایدلیه جکی درکار ایسه ده غالب شاه اعلان مشروطیتندن ماعدا هر شیئی کوزه الدرمش، حق روسیه به فرار والتجانی بیله !